



KOMUNIKADO DI PRENSA
Willemstad, 29 di yùli 2021

TARIFA DI GASOLIN I ELEKTRIDAT TA SUBI, DIESEL I AWA TA BAHA

WILLEMSTAD – Entrante djamars 3 di ougùstùs 2021 e tarifa regulá di gasolin ta subi na Kòrsou. E tarifa di diesel lo baha. E tarifa di elektrisidat lo subi entrante djadumingu 1 di ougùstùs 2021 i e tarifa di awa ta baha. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káلكulo tarifa produktonan kombustibel

E káلكulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inkluí e promé nuebe komponentenan miéntas ku e tarifa pa benta por detal (na usuario final) ta inkluí tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa ougùstùs 2021, en prinsipio ta basá riba e reserva di kombustibel disponibel pa final di yùli 2021. Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento 'Sùrplùs/Défisit'.

Den liña ku e desaroyonan internashonal e preisnan di kompra ta subi pa tantu Mogas 95 komo pa Gasoil LSD. Ademas un bahada (restante) di e komponente "garantia suministro di kombustibel 1b" ta wòrdu apliká ku bista riba un implementashon di konteinernan di ISO pa distribushon di LPG ku ta resultá den un solushon ménos kostoso pa garantisá e suministro di kombustibel. Esaki ta kondusí na un bahada di e tarifa usuario final pa LSD i un oumento di e tarifa usuario final pa Mogas dor di e oumento pisá di preis di kompra.

Káلكulo tarifa awa i koriente

E káلكulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriente i gastunan di kombustibel. E 'kompra di koriente' ta basá riba e preis pa e energia ku tersernan ta suministrá, manera energia di bientu i di solo. 'Gastunan di kombustibel' ta enserá produkshon di energia dor di Aqualectra mes. Tambe e klousula di kombustibel pa awa ta konsistí di dos elementu, ku ta "kompra" basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá 'meskla di produkshon' ta varia. P'esei BT&P ta determiná e balor di e klousula di kombustibel



mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di ougùstùs 2021. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di yùli 2021.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E oumento di e tarifanan di elektrisidat ta resultado di e preisnan haltu di kombustibel pa produkshon di elektrisidat komo konsekuensha di e subida di preisnan di kombustibel i e produkshon-miksto pronosktiká plùs un faktor di korekshon mas haltu ofer di yùni 2021. E bahada di e tarifanan di awa ta resultado di e preisnan mas abou pa produkshon di awa komo konsekuensha di e produkshon-miksto pronosktiká i un faktor di korekshon mas haltu ofer di yùni 2021.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu. Ku e prosedura akí, ku ta konsiderá faktornan internashonal i lokal, e supervisor BT&P ta vigilé e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

[FIN DI KOMUNIKADO DI PRENSA]

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.